



Broj: 05/7-39-1-115-82/22

Sarajevo, 7. 4. 2022.

## Z A P I S N I K

### 82. sjednice Vijeća nacionalnih manjina BiH, održane 7. 4. 2022. u Sarajevu

Sjednica Vijeća nacionalnih manjina BiH počela je u 12.30 sati.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Dejan Piotrovski, Mladen Radmilović, Marija Grbić, Jovanka Manzalović-Šalaka, Hakan Varan, Halil Bicaj, Vjeročka Gajić, Tijana Vučurević i Eva Pašić-Juhas.

Sjednici iz opravdanih razloga nisu prisustvovali Davor Ebner i Nedžad Jusić.

Sjednici su, također, prisustvovali: Aida Kreho, sekretar Zajedničke komisije za ljudska prava, Stojanka Šarović, stručna savjetnica u Zajedničkoj komisiji za ljudska prava, i Enver Bogućanin, stručni savjetnik za informiranje.

Za sjednicu je predložen

### DNEVNI RED

1. Usvajanje Zapisnika 81. sjednice Vijeća nacionalnih manjina BiH;
2. Utvrđivanje aktivnosti Vijeća nacionalnih manjina BiH u skladu sa zaključcima sa sastanka s visokim povjerenikom OSCE-a za nacionalne manjine Kiratom Abdrakhmanovim;

3. Razmatranje aktualnog stanja u udruženjima nacionalnih manjina kao posljedice neusvajanja Zakona o Budžetu institucija BiH i međunarodnih obaveza BiH za 2022. godinu;
4. Tekuća pitanja.

Dnevni red jednoglasno je prihvaćen uz dodatak da se u okviru 4. tačke - Tekuća pitanja - razmatra odgovor kompanije Mtel, vezano za uvrštavanje RTV kanala na jezicima manjinskih naroda.

#### **Ad. 1. Usvajanje Zapisnika 81. sjednice Vijeća nacionalnih manjina BiH**

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo primjedbi, Zapisnik je usvojen sa 13 glasova „za“ i 3 glasa „suzdržan“ .

#### **Ad. 2. Utvrđivanje aktivnosti Vijeća nacionalnih manjina BiH u skladu sa zaključcima sa sastanka s visokim povjerenikom OSCE-a za nacionalne manjine Kiratom Abdrakhmanovim**

U raspravu o navedenoj tački dnevnog reda uključili su se, osim predsjedavajućeg VNMBiH, Jakob Finci, Mladen Radmilović i Velibor Kuvač. Na kraju rasprave, zaključeno je da su svi članovi VNMBiH visokom komesaru za nacionalne manjine izložili probleme i stanje pripadnika nacionalnih manjina u BiH, te se opredijelili da će o konkretnim zaključcima raspravljati nakon što dobiju izvještaj ili informaciju o posjeti visokog komesara za nacionalne manjine. Rezultati glasanja su 15 glasova „za“ i jedan „suzdržan“ .

#### **Ad. 3. Razmatranje aktuelnog stanja u udruženjima nacionalnih manjina kao posljedice neusvajanja Zakona o Budžetu institucija BiH i međunarodnih obaveza BiH za 2022. godinu**

U raspravu su se uključili D.Marković, V.Kuvač i M.Radmilović. Saglasili su se da su nacionalne manjine oštećene neusvajanjem budžeta za prethodne godine i da ne mogu da se realiziraju određeni planirani projekti, jer se ne mogu koristiti grant sredstva. Također, saglasili su se da se o navedenom pitanju uputi dopis Vijeću ministara BiH i Ministarstvu za ljudska prava i izbjeglice BiH s ciljem pokušaja rješavanja ovog pitanja. Rezultati glasanja su 16 glasova „za“.

#### **Ad. 4. Tekuća pitanja**

Pod tekućim pitanjima razmatran je odgovor Mtel kompanije na dopis VNMBiH za uvrštavanje RTV kanala na jezicima manjinskih naroda. U odgovoru je navedeno da je Ugovor o licenci kojim je regulirano pravo na distribuciju kanala regionalnih javnih emitera istekao 31. 12. 2022. Dalje, kompanija Mtel navodi da je svjesna potreba svih građana BiH, kao i brojnih pripadnika nacionalnih manjina da prate televizijski program na jezicima matičnih zemalja, te da će kompanija Mtel uložiti dodatni napor u pravcu objedinjavanja navedenog.

Odgovorom kompanije Mtel članovi VNMBiH nisu bili zadovoljni, ali su ga primili k znanju. S. Vujović je, u okviru tekućih pitanja, pitala da li se može realizirati posjeta VNM Vojvodine. Dalje je tokom razgovora zaključeno da se do usvajanja budžeta ne može organizirati navedena posjeta.

Povodom rasprave o pomoći izbjeglicama iz Ukrajine, D. Piotrovski je tražio da se dostavi žiro račun za uplatu sredstava za dobrovoljnu pomoć izbjeglom stanovništvu Ukrajine, gdje je dogovoreno da će sekretar Zajedničke komisije za ljudska prava sve obavijestiti, nakon što dobije žiro račun od Udruženja Ukrajinaca iz Prnjavora.

Sjednica je završena u 14 sati.

**Stručna savjetnica**  
**U zajedničkoj komisiji za ljudska prava**  
**Stojanka Šarović**

**Predsjedavajući**  
**Vijeća nacionalnih manjina BiH**  
**Andrija Svatok**